

## 再論東洋進征臺灣略

昨得東洋橫濱傳來西字日報，將東洋征臺灣一役有云：日本之居心，將在據臺灣南境之偏僻，盤踞重兵，以爲己有也。蓋圖自此以後，藉以震威島嶼之生番，不使其有傷殘逞凶之慘。庶幾彼東洋民，概能安心無懼，且曰相傳生番所居之地，不在中國之屬下，應列地理圖畫，有明徵焉。且該番所行者，中國人，不與干已。中國推諉，有憑可據。然東洋與中國而者，並居一島，未免有兩屬民人雜處之累。兩國互爭疆界之患，東洋俄羅斯兩國，分踞北之撒加連海島，屢致生釁，近經已有明驗。今日日本將於中國分爭臺灣，則兩國因之而不相折服，以致釁衅者，其能免乎？西人之論如是也。本國先許東洋，准其親往臺灣自行征罪伐惡，是言也，似屬實有其事也。本館前經列諸報內，乃准東洋親往報讐，而並准該國盤踞其地，是豈包括於其內乎？至於生番之地，中國不以爲在屬下，其肯捨與他國，使其隨意侵奪，此言吾不信也。試問天下別有大國，使鎮據一身半餘，已八版圖，其餘惟俟漸次教化，逐一歸服，而該國其肯袖手待別國來侵哉？實無其理矣。況我朝固儼然大邦也，可准東洋區區之小國乎？夫臺灣之爲地也，田壤沃厚，水土溫潤，且地藏五金，已稱於世。厥後寶臺中國轄下之要省必矣。然今之外，觀於東洋，害非僅在捨失美境而已也。其所以最失計者，正如西人所言，是在於兩國預基日後釁隙之慮矣。華人在臺灣者，原皆閩人，閩人性急而悍，鄰村之民，亦往往有執械爭鬥之患。況使閩人於東洋接壤，爲隣，兩相習俗，習皆異者，其猶能不以構衅爲常事乎？然中國境內民人，結恨相爭，斯則我一國之事耳。尙易於處治，非若兩國攸關之事也。以常理揆度後勢，東洋若果據臺灣生番之地，則我兩國必成釁隙之瘡痍。兩邊之患，將恒出而無暇日。往來文書煩雜無止期，兩國自此以後，難輯和睦之好矣。夫欲使東洋自行征罪，其計已左。然既許之，亦仍宜持以堅定，不使復有蠶食之慮。茲據長崎昨日之來信，知東洋之征師，不日將順路逾長崎矣。且日前已雇用萬昌公司之火船名牛約者，以供資載兵糧之用。故征事在即，欲於東洋議局，亦宜從速，不可遲悞矣。或又曰：此役也，東洋人用師，並無萬五千士之多，僅用陸兵一千，艦船三號。然此係風傳而已，且果僅用千兵，須懷蠶食之謀，則與之捍禦，亦未解其理之所在耳。